

UNITED NATIONS
INTERNATIONAL CRIMINAL TRIBUNAL
FOR THE FORMER YUGOSLAVIA



CHURCHILLPLEIN 1, P.O. BOX 13888
2501 EW THE HAGUE, THE NETHERLANDS
TELEPHONE: +31 70 512-5000
FAX: +31 70 512-8637

NATIONS UNIES
TRIBUNAL PÉNAL INTERNATIONAL
POUR L'EX-YOUGOSLAVIE

CHURCHILLPLEIN 1, B.P. 13888
2501 EW LA HAYE, PAYS-BAS
TELEPHONE: +31 70 512-5000
FAX: +31 70 512-8637

Predmet br. IT-04-74-T
Tužilac protiv Slobodana Praljka

JAVNO
ODLUKA

SEKRETAR SUDA,

IMAJUĆI U VIDU Statut Međunarodnog suda, koji je Savjet bezbjednosti usvojio Rezolucijom 827 (1993.), a posebno član 21 Statuta;

IMAJUĆI U VIDU Pravilnik o postupku i dokazima, koji je Međunarodni sud usvojio 11. februara 1994., s naknadnim izmjenama i dopunama (dalje u tekstu: Pravilnik), a posebno pravilo 44 i 45 Pravilnika;

IMAJUĆI U VIDU Uputstvo za dodjelu branioca po službenoj dužnosti, koje je Međunarodni sud usvojio 28. jula 1994., s naknadnim izmjenama i dopunama (dalje u tekstu: Uputstvo), a posebno članove 16 i 20 Uputstva;

IMAJUĆI U VIDU Profesionalni kodeks branilaca koji postupaju pred Međunarodnim sudom (IT/125 REV.3)(dalje u tekstu: Kodeks);

UZIMAJUĆI U OBZIR da je g. Slobodan Praljak (dalje u tekstu: optuženi) doveden u sjedište Međunarodnog suda 5. aprila 2004. i da je 14. juna 2004. obavijestio Sekretarijat da je za branioca i kobranioca koji će ga zastupati pred Međunarodnim sudom angažovao advokate iz Hrvatske, g. Božidara Kovačića i gđu Niku Pinter;

UZIMAJUĆI U OBZIR da je 13. septembra 2004. optuženi Sekretarijatu dostavio izjavu o svom imovnom stanju, u kojoj je podnio zahtjev da mu se, na osnovu toga što

nema dovoljno sredstava da sam plati branioca, dodijeli branilac po službenoj dužnosti čije će troškove usluge plaćati Međunarodni sud;

UZIMAJUĆI U OBZIR odluku zamjenika sekretara Suda od 17. juna 2005., kojom je zamjenik sekretara Suda odbacio zahtjev optuženog za pravnu pomoć jer je optuženi odbio da dostavi relevantne podatke potrebne da bi Sekretarijat utvrdio njegovo imovinsko stanje, čime nije pokazao da nije u mogućnosti da plati branioca;

UZIMAJUĆI U OBZIR da je 21. septembra 2005. Pretresno vijeće I potvrdilo odluku zamjenika sekretara Suda od 17. juna 2005.;

UZIMAJUĆI U OBZIR "Obavijest o opozivu branioca i kobranioca sa spiska Slobodana Praljka na osnovu odluke Sekretarijata kojom se odbacuje zahtjev za pravnu pomoć u svjetlu njegove nemogućnosti da plati svoju odbranu, koji je Slobodan Praljak podnio u skladu s pravilom 45 Pravilnika" od 29. septembra 2005., kojom su g. Kovačić i gđa Pinter obavijestili sekretara Suda i Vijeće da je optuženi prestao koristiti njihove usluge;

IMAJUĆI U VIDU obavijest od 3. novembra 2005. kojom je zamjenik sekretara Suda obavijestio da je optuženi odlučio da se sam brani, shodno pravilu 45(F) Pravilnika;

UZIMAJUĆI U OBZIR "Zahtjev Slobodana Praljka da se preispita mišljenje sekretara Međunarodnog suda i zahtjev za dodjelu branioca po službenoj dužnosti" od 5. januara 2006. i odgovor Sekretarijata od 27. januara 2006.;

UZIMAJUĆI U OBZIR "Odluku o dodjeli branioca po službenoj dužnosti", koju je Pretresno vijeće II donijelo 15. februara 2006. (dalje u tekstu: Odluka Pretresnog vijeća), kojom Pretresno vijeće izdaje uputstvo sekretaru Suda da optuženom u interesu pravde dodijeli branioca i kojim nalaže optuženom da saraduje sa sekretarom Suda u utvrđivanju svog finansijskog statusa, tako što će dati i dokumentirati odgovore na pitanja navedena u Dodatku Odluke Pretresnog vijeća;

UZIMAJUĆI U OBZIR da je 16. februara 2006. optuženi zatražio od Sekretarijata da mu, shodno odluci Pretresnog vijeća, Sekretarijat za branioca imenuje g. Božidara

Kovačića i da je 19. februara 2006. g. Kovačić zatražio da se za njegovog subranioca imenuje gđa Nika Pinter;

UZIMAJUĆI U OBZIR da je 6. marta 2006. sekretar optuženom dodijelio g. Kovačića za glavnog branioca i gđu Niku Pinter za subranioca;

IMAJUĆI U VIDU da je 11. aprila 2011., po zahtjevu g. Kovačića i optuženog, zamjenik sekretara povukao imenovanje g. Kovačića kao glavnog branioca optuženog, imenovao gđu Pinter kao novog glavnog branioca, a g. Kovačića privremeno imenovao subraniocem uz gđu Pinter;

IMAJUĆI U VIDU da je 9. maja 2011. gđa Pinter zatražila (i) povlačenje g. Kovačića kao subranioca i njegovo imenovanje u svojstvu pravnog savjetnika, i (ii) imenovanje gđe Nataše Fauveau-Ivanović, advokata iz Francuske, kao novog subranioca;

IMAJUĆI U VIDU da se sekretar Suda uvjerio u valjanost argumenata gđe Pinter u vezi s njenim zahtjevom da se izmijeni sastav tima odbrane optuženog;

IMAJUĆI U VIDU član 20(A)(ii) Uputstva, koji navodi da u interesu pravde, sekretar može povući dodjelu subranioca na zahtjev glavnog branioca;

UZIMAJUĆI U OBZIR da je gđa Fauveau-Ivanović trenutno dodijeljena kao glavni branilac pred Međunarodnim sudom g. Rađivoju Miletiću (predmet br. IT-05-88) i da je predmet g. Miletića trenutno u žalbenom postupku pred Međunarodnim sudom;

UZIMAJUĆI U OBZIR da je izvođenje dokaza u predmetu optuženog završeno i da optuženi čeka izricanje Presude;

UZIMAJUĆI U OBZIR da se Sekretarijat uvjerio, u skladu s članom 16(G)(ii) Uputstva, da se zbog imenovanja gđe Fauveau-Ivanović kao branioca u dva predmeta ne mogu pojaviti kolizije u rasporedu niti potencijalni ili stvarni sukob interesa ili rasporeda, i da ta dodjela ne bi na drugi način nanijela štetu odbrani bilo kojeg optuženog ili integritetu postupaka;

UZIMAJUĆI U OBZIR da su i optuženi i g. Miletić pismeno prihvatili dvostruku dodjelu gđe Fauveau-Ivanović;

SMATRAJUĆI da je u navedenim okolnostima u interesu pravde odobriti zamjenu subranioca;

OVIM ODLUČUJE na osnovu člana 20(A) Uputstva, da povuče dodjelu g. Kovačića kao subranioca, i na osnovu člana 16(C) Uputstva, da gđu Fauveau-Ivanović imenuje kao subranioca optuženom, što stupa na snagu od dana donošenja ove odluke.

/potpis i na pečat originalu/
John Hocking,
sekretar Suda

Dana 26. maja 2011.
U Haagu,
Nizozemska